

# Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

ИЮЛЕНЬ

28 чи,

1937 ие

№ 85 (759)

ЛКСИ

7-це нө  
чинь ютазь

## Вейкенъ пєс таргсемс народонъ врагтнэнь ды сынст лєздыцятнэнь!

Аволь умок НКВД нь органтнэ ливтизь лангс ды пекстызь народонъ заядлой врагонть Звездинэнь. Народонъ те врагось эцекшнесь „Эрзянь коммуна“ газетэнь редакторокс, ламонь шкань ютамс ветясь гнусной, предательской те-вензэ. Народонъ врагось „Эрзянь коммуна“ газетасонть сознательна нолтниль анти-советскойть ды пошлойть трактовкат, калавтызе редакцианть роботанзо, ловныця массатненень газетанть теизе а чаркодевискэкс.

Врагтнэнь предательской деятельностинедест ловныцянь ды селькоронь ламо сигналтнэ газетасонть а мукшныльть тарка, „расследованиянь“ шкасто жо сынст затирали.

Звездин редакциясонть глушась самокритиканть, шнась подхалимтнэнь ды наргась сетнень лангсо, конат арсекшнэсть таргамс лангс врагтнэнь. Редакциянь аппаратонть пурнась сон враждебнойть, политически аволь благонадежнойть ломанть, политически ды моральна разложившейся ломанть. Редакциянь коллективсэнь роботакшнось Михайлов, кона ней панезь партиясто контр-революционной выступлениань кис; соч эщо редакцияв самодо икеле таргазель партийной ответственностьс антисоветской выступлениань кис. Народонъ врагось Звездин приминзе роботас партиясто икеле панезень Силантьевень, Атласовонь (право-оппортунистической деятельностинедест кис каязь партиясто), Потешкинэнь, Мордгизсэ вредительствань активной участникенть ды растратчикенть (ней панезь партиясто).

Народонъ врагось, кона беспрепятственно ветясь эсинзэ нулгодыкс те-вензэ, пекстамонь чис польовался сонзэ ставленникензэ ды парторгонть Люпаевень, остаткань пелев Брыжинскоеньгак благо-склонностьсэст ды покровительствасот.

Люпаев, прок икелень „Ленинэнь киява“ газетанть ды „Пионерэнь вайгель“ журналонть редактор, редакциянь аппаратсо эждиль народонъ врагтнэнь, политически аволь благонадежнойть ды классово-чуждой ломантнэнь.

Саемс „Пионерэнь вайгель“ журналонть. Те журналось целанек ульнесь максозь народонъ врагтнэнь откупс ды политически аволь благонадежной ломантнэнь. Люпаев аравтызе журналонть литредакторокс Рябовонь, кона оказался народонъ врагось. Рябоводо мейле литредакторокс приминзе разложившейся ломаненть — Чесноковонь, кона истя жо народонъ враг. Неть врагтнэде мейле редактированианть максызе разложившейся, политически аволь благонадежной ломаненть — Силантьевнэнь, кона роботась остатка читнень самс. Люпаевень лезде-монзо кувалт, Силантьев вредительски сезилизе журналонть нолдамонзо. 1937 иенгь перть нолдасть 7 журналонь таркас ансяк 2. Сынъ, Люпаев ды Силантьев, лишили эйкакштнэнь польоваться журналсонть, коть уль-

нэсть условиятне сенень, штобу редакциясь нолдаволь шкастонзо доброкачественной журналт.

Люпаев макссь возможность народонъ врагтнэненъ аволь ансяк улемс журналонть редакциясо, но сон аволь законна казиль государственной ярмаксо народонъ врагтнэнь — Чесноковонь, Платоновонь ды лиятнэнь.

Истя жо комплектовась Люпаев „Ленинэнь киява“ редакциянь аппаратонтькак: Платонов, кона редакцияв самодо икеле ульнесь разложившейся, ней оказался народонъ подлой врагось; Трошкин, конатась кулаконь цера, роботы подчитчикекс, корректорось Атласов — партиясто умоконь паневть ды лият. Люпаевень истямо поведениань овси а ашти случайнокс. Истя жо аволь случайна, курксо чов марто пирясь Люпаев народонъ врагонть Виардонь, народонъ врагонъ лєздыцянть Сидоровань, ды организовакшныль аволь довольнойтнэнь ды озлобленнойтнэнь эйстэ группировкат ВЛКСМ-нь обкомонть руководстванзо каршо.

Ней уш пек чаркодеви, што Люпаевень не мог улемс лия поведенианзо секс, што сон, кода ней лиссь лангс, народонъ врагонть Звездинэнь покровитель, лєздыця, топавтыль Звездинэнь олянзо ды ульнесь кеместэ скулмавозь мартонзо. Весе тень кис Люпаев каязь „Ленинэнь киява“ редакторонь роботасто, панезь партиясто ды комсомолсто.

„Эрзянь коммуна“ ды „Ленинэнь киявань“ редакциянь неть положениантнеде кортазь, нельзя не возмущаться редакциянь парторгонть Брыжинскоень поведениандонзояк, кона содыль редакциянь засоренностень эйстэ, содыль ламо сигналт народонъ врагонть Звездинэнь вражской деятельностинедест ды Люпаевень Звездинэнь лездемонзонзо. Но сон кодаткак мерат эзь прима, эзинзе тарга лангс ды эзизе ванькскавт враждебной элементтнэде редакциянь. Мекевлангт, Брыжинский эрва кода бажась а пугомс кодамояк питне-тенень ды мик невтсь эсинзэ улугат народонъ врагтнэненъ. Народонъ врагонть Платоновонь пекстамодо мейле Брыжинский арсесь лездем те врагонть козейкантэнь (Сидорованень) Платоновонь тюрмасто нолдамонзо кувалт.

Брыжинский пек содыль, што первичной комсомольской организациясь сайсь народонъ врагтнэнь разоблаченианть кувалт аволь виде ды политически вредной позиция, што организациясонть ули гнилой либерализма ды примиренчества. Сон эзь арсаяк витемс неть политически грубой ильведькстнэнь, эзь снартнеяк ладамс организациясонть те-венгь виде киява. Эр-ви курокстовешемс Брыжинскоень пельде объяснения, мекс сон сайсь истямо позициянь.

Нейке жо эр-ви ванькскавтомс редакциятнэнь враждебной, троцкистско-бухаринской, националистической ды эрва кодамо лия агенттнэнь эйстэ, вейкест-пес-таргсемс лангс ды пансемс весе сынст лєздыцятнэнь!



Советской Союзонъ Героесь В. П. ЧКАЛОВ ялгась.

## Колхозонъ паксятнева

Ромодановань район. Сюронь урядомонть икеле Куриловской вельсоветэнь „Якстере сокиця“ колхозсонть ютавозь беседа социалистической пелькстамонть ды роботамонь стахановской методтнэде. Паксясо роботыцятне ней эсь ютковаст ветить соцпелкстамо. Михалкина ялганть бригадасонзо ули стахановской звена (звене-водось Иркаева ялгась). Те звенасонть эрва ломанесь чоп скулми 760 пултт. Сонсь Иркаева ялгась эрва чистэ скулми 1000 пултт. Роботамонь качествась паро.

Анненковской вельсоветэнь „Красный Коломенец“ колхозось розь нуеме лиссь июлень 19-це чистэнь. Нуиця вейксэ машинат, вете жнейкат-самосброскат ды ниле лабогрейкат роботыть те колхозонть паксясонзо. Нуемань васень чистэнь уш выработкань норматне топавтневить велькска. Скуднов ялгась самосброскасо 4,5 гектартиэнь таркас эрва чистэ нуи 6,85 гектарг, Буйнов ялгась — 5,44 гектарг. Роботамонь качествась вадря. Алексеев ялганть бригадасо колхозсонть долови сех

вадрякс. Те бригадась тейсь соцпелкстамонь договор васень бригаданть марто. Алексеев ялганть бригадасонзо лисни стенгазета, кона невти весе бригаданть ды башка эрва ломаненть роботанзо.

Стахановской роботань образец невти Явкин ялгась Куриловской вельсоветэнь „Труд“ колхозсонть. Жнейкасо-самосброскасо сон эрва чистэ нуи 10—12 гектарг. Чуфаровской вельсоветэнь „Волна революции“ колхозсонть нуиця Саушкин ялгась эрва чистэ нуи 8 гектарг.

Комсомолонь Ромодановской райкомонть инициативанзо коряс организовазь агит-бригада, кона вети культурно-массовой работа паксясо роботыцятнэнь ютксо. Бригадась ловнокшны газетат, книгат. Улить шашкат. Бригаданть марто яки Ромодановской больницынь врачось Казанов ялгась. Сон ловнокшны лекцият медицинань коряс. Теде башка Ромодановань райздравотделэсь сюронь урядомо шкантень явсь медицинской колмо сестрат, конат якить колхозонь паксятнева ды макстнить медицинской лєзкс. Вл. Ананьин.



# ШУМБРАТ, РОДНОЙ МАСТОР!

СОВЕТСКОЙ СОЮЗОНЬ ГЕРОИТНЕНЬ ЧКАЛОВ, БАЙДУКОВ ДЫ БЕЛЯКОВ  
ЯЛГАТНЕНЬ МОСКОВСО ВАСТОМАСТ

Июлень 26-це чистэ Московов састь Советской Союзонь геройтне Чкалов, Байдуков ды Беляков ялгатне, конат человечестванть историясонзо васенцеке тейсть воздушной трансарктической од ки кавто материктнень ютксо.

Эсь родинанть столицав сын састь мировой славасо увенчанойкс.

Ламо кеметь тыщат москвичт лиссть ошонть улыцатнес. Столицанть главной магистралес — Горькоень улыцась — мазылгавтнезь флагсо, транспарантсо, вождьтнень ды Советской Союзонь геройтнень портретсэст.

Белорусской вокзалонь площадеь ды сонзэ эйс лисиця улыцатне пешксеть ломанде. Геройтнень приветствиянь евтомо пурнавсть Московонь ламо фабрикатнестэ ды заводтнестэ рабочей делегацият.

Цецясо ды зеленсэ мазылгавтозь вокзалонть пурнавсть отважной летчиктнень семьяст ды ояст, инженертнэ ды техниктнэ, конат строиць ды анокстыць ливтямо „АНТ—25“ самолетонть.

Геройтнень вастомо вокзалов састь Рухимович, Алкснис, Хрущев, Литвинов, Булганин, Халепский, Бубнов, Стецкий, Таль, Ярославский ялгатне, Советской Союзонь геройтне — Шмидт, Спирин, Бабушкин, Алексеев, Слепнев, Шевелев, СССР-нь заслуженной летчикесь Россинский ды лият.

...Ве ендю кармась неявмо поездеь. Паровозось мазылгавтнезь якстере келей полотнищасо. 16 чассто 13 минутасто сон лоткась перрононть ваксс. Гайги „Интернационалось“. Вагононь кевкштнестэ васенцеке кармась неявмо Беляков, сонзэ мельга — Байдуков ды Чкалов. Сынст сеске жо кармась кутморямост роднойтне ды оятнэ. Чкалов кутмордызе эсинзэ вишкынька церанзо Игорень.

Геройтнень-летчиктнень приветствуют Рухимович, Алкснис, Лит-

винов, Хрущев ялгатне ды лият. Геройтнень макстыть цецянь букетт.

Зярдо Чкалов, Байдуков ды Беляков кузаст трибунант лангс, эрва ендю марявить пси поздравонь евтомо вайгельть, виевстэ эрни „урась“. Народоь покш мельс-паросо чувствует эсь славной цератнень, сталинской питомецтнень, конат тейсть пек покш ливтямо, весе мирэнт икеле негизь Советской воздушной флотонть виензэ ды кеме-чинзэ. Трансарктической пек покш ливтямонть сынст вдохновлял ине Сталин. Ломаненть кис, социализмань строицанть кис народонь вожденть тетякс мелявтомазо лездась теэмс стака, вавов ливтямонь рейсенть успехензэ. Сталинэнь образось эждиль героической летчиктнень, кастыль мелест ды кенярдовтыль эйсэст, зярдо сынст кист лангсо вастневильть стакат.


ВКП(б)-нь МК-нь ды МГК-нь секретаресь Хрущев ялгась панжизе митингенть. Весесоюзной

Коммунистической (большевиктнень) партиань Центральной Комитетэнтэ ды СССР-нь Народной Комиссартнень Советэнтэ пельде СССР-нь Оборонной Промышленностень Народной Комиссарось Рухимович ялгась приветствует „АНТ—25“ самолетонть легендарной экипажонзо — Советской Союзонь геройтнень Чкаловонь, Байдуковонь ды Беляковонь.

— Беспримерной героизма марто, ине отвага марто, теветь парсте содамо марто, — корты Рухимович ялгась, — сын, сталинской питомецтнэ, топавтыць партианть ды правительстванть заданияст ды пек парсте прядызь Москов — Пелеве ено полюс — Пелеве ено Америка атак валгоне ливтямонть.

Пек покш изнявкось, конань теизь Советской народонть геройтне, те — большевистской организованностень, социализманть пек покш изнявкстнень результат.

Микрофононть икелев молись Валерий Павлович Чкалов.



МОСКВА-ВОЛГА КАНАЛОСЬ  
СНИМКАСОНТЬ: Химкасо речной вокзалось.  
СОЮЗФОТО.

— Шумбрат, родной мастор, — корты сон, — шумбрат, родной Москов! Минь пек уцяскавано ды мельсь паросотано, што миненек васенцеке савсь теэмс сталинской од маршрут, кона аштесь Пелеве ено полюсонть трокс Американь Соединенной Штаттнэс.

Эсинзэ нурькине кортамонзо Валерий Павлович прядызе валсо, конат пешксеть ине вожденть Сталин ялганть пек псистэ вечкемасо ды сонензэ преданностьсэ. Таго марявить виев цяпамот. Площадентэ эрва ендю кайсетить ине Сталинэнь честсь, геройтнень-летчиктнень честсь приветствиянь евтомонь вайгельть.

Ламо миллионной Советской Союзось приветствует эсинзэ славной летчиктнень, покш кеме-чинь ды сталинской выдержкань ломантнень. Масторонть, конань улит истят церанзо, аволь страшной кодаткак врагтнэ. Геройтнень-летчиктнень эхксэ аштит миллион, ашти Советской весе народось. Эсь партианть, эсь правительстванть педепев преданнойкс улезь, сон тапасы эрватанть, кие снарты каявомс сонсэ изнявкстнень лангс, (он Советской моданть лангсто тапасынзе троцкистско-бухаринской ды фашистской лия бандатнень весе кадвиксэст, эрва кодат шпионтнень, вредительтнень ды диверсантнень).

Митингесь прядовсь. Летчиктнэ, конатнень илтит виев цяпамос, ойсестэ цецясо мазылгавтнезь автомашинатнес. Весе кинть лангсо ламо сядот тыщат ломанть приветствуют воздушной пространстванть изницатнень.

Машинатне ютасть Якстере площадьганть ды вана уш эзть карма неявмо, яла теке эщо куватсь марявить покш вечкемань ды кенярдомань вайгельть советской богатыртнень мельга, конат састь кудов, родной Московов. (ТАСС)

Од кочкицанть СССР-нь Верховной Советс кочкамотнеде

## ГОЛОСОВАНИЯНЬ ТАЙНАСЬ ДЫ КОДА СОН ТЕВС ЮТАВТОВИ ЗАКОНОНТЬ КОРЯС

Сталинской Конституциясонть сермадось, што весе Советтнэс депутаттнень кочкамотне ютавтовить тайной голосованисо.

Од Конституциядонть икеле Советтнэс кочкамотнесэ минек масторсонть ютавтневиль наив (открытой) голосования: пурнавиль кочкицанть промкст, конатнесэ кочкамотне ютавтневиль кедень кепедезь.

Ней кочкамотне кармать моле-ме лиякс: промксо голосованянт таркас, эрва кочкицась моли кочкамонь участв дь макссы эсинзэ вайгелензэ. Тень пингстэ кияк а карми содамо, кинь кисэ голосови те эли тона кочкицась.

Кочкамотнень порядоксь, кона аравтозь „СССР-нь Верховной Советс кочкамотнеде Положениясонть“, максы, гарантирует голосованянт алкуксонь тайна.

Кочкамонь советской законоть коряс карми улеме голосованянт истямо порядок.

Эрва кочкицась голосови сонсь лична. Тень кис сон аравтозь шкасто моли кочкамотнень ютавтомань помещения. Кочкамонь участ-

ковой комиссиянт секретарентень невтсы личностень эсь удостоверениянзо (эли паспорт, эли колхозной книжка, эли профсоюзной билет, эли лия удостоверения) мейле сон получи кочкамонь (избирательной) бюллетенть ды аравтозь образецнь конверт.

Кочкамонь бюллетентнень получамодо мейле кочкицась туи специальной комнатав, косо заполнит те бюллетентень. Кочкамонь бюллетентнень заполнениянь туртов комнатасонть те шкастонть кияк не может улемс, голосовицатнеде башка. Голосованянт шкастонть тосо не могут улемс кочкамонь участковой комиссиянт члентнэ. Бути кочкамонь бюллетентнень заполнениянь кис те комнатантень ве шкасто улит нолдась аволь вейке кочкиця, но седе ламо, сестэ комнатасонть улест теезь истят пирявкст эли ширмат, зяро кочкицат ве шкасто тов нолдавиль.

Кочкамонь эрва бюллетентнень кочкицась кадсы се кандидатонть фамилиянзо, конань кис сон голосови, весе лиятнень нардасынзе (вычеркнет). Бути кочкицась

сермас а содыця эли физической кодамоак асатыксэнь кувалт, примеркс, сокор чинь ды лия мезень кувалт, сонсь не может заполнить бюллетентень, сестэ сон кочкамонь бюллетентнень заполнениянь комнатантень эстензэ лездамо может тердемс кочкицатнень эйстэ куш кинь.

Кочкамонь бюллетентень заполненияд мейле кочкицась сонзэ путсы конвертс. Кочкамонь бюллетентень марто конвертэнт клеясы, моли се комнатантень, косо кочкамонь участковой комиссиясь, ды сонсь нолдасы конвертэнт запечатаной ящикс.

Истяня кочкамонь советской законось максы СССР-нь Верховной Советс кочкамотнестэ голосованянт полной тайна. Кочкамонь бюллетентнень заполнениянь кис башка, допрок изолировазь комнатась ды ваномань туртов непропускаемой конвертэсь, козонь кочкицась путсы кочкамонь заполнения бюллетентень, кодак а максыть содамс, кинь кисэ голосовась башка эрва кочкицась. Кочкамонь бюллетентень марто конвертэнт кочкицась сонсь нолдасы запечатаной ящикс, тень кувалт таго яла кияк а соды, кинь кисэ голосови те эли тона кочкицась.

Истямоладсо теьс ютавтовим алкукс тайной голосованиса.

Наив голосованянт эйстэ зак-

рытой (тайной) голосованянтень ютамось нейти советской властенть бажамонзо аравтомс эсь органднень весе роботаст трудицатнень виев контроль алов.

Минек, — кортась Сталин ялгась, — аволь аламо истят учреждения, конат роботыть беряньстэ. Эрс, што властен те эли тона местной органось а машты топавтомс ошонь ды велень трудицатнень пек ламо ды яла седеяк касыця потребностьнень эйстэ нетнень эли нонатнень. Строить ли тон эли эзить строя паро школа? Вадрягавтыть ли тон жилищной условиянтнень? Аволь бюрократат ли тон? Лездать ли тон теэмс минек трудонть седе эффективнойкс, минек эрямонть седе культурнойкс? Истят кармать улеме критерийтне, конатнень марто миллионт кочкицатне кармать ванномо кандидаттнень лангс, кармать ертнеме амаштовиктнень, сынст нардасысь спискатнестэ, кармать выдвигать сех вадрятнень ды аравтнеме сынст кандидатуратнень.

Тайной голосованиса эрва кочкицанть максы полной оля-чи голосовамс сеть кандидаттнень кис, кинень сон кеми эсь интереснень топавтоманть.

Тайной голосованиса ашти трудия массатнень марто Советтнень сьулмаванть кемекс-чинзэ ды

(Пезэ 3-це страницасо)



## КОТОНИННОЙ ФАБРИКАНЬ КОМСОМОЛОНЬ КОМИТЕТЭНТЬ РОБОТАДОНЗО

Июлень 13—15 читнестэ котонинной фабрика ВЛКСМ-нь организациясонть ульнесь отчетно-кочкамонь промкс, косо тейсь отчет ВЛКСМ-нь организациянь комитетэнт секретаресь Сапожников ялгась. Сон эсь отчетсонзо снартнесь сепомс, а евтнемс комитетэнт роботасонзо асатыкстнень, но прениясо кортыця комсомолецтнэ таргизь лангс весе асатыкстнень ды ильведевкстнень.

33 комсомолецтнень эйстэ, конат ульнестэ промксо, прениясо кортасть 20 ломанть. Сын пек критиковизь комитетэнт роботанзо, аволь дисциплинированной поведениязо, лангс таргизь асатыксэнзэ ды роботанзо ловизь аволь удовлетворительнойкс.

Арась работа аволь союзной од ломантнень ютксо. Фабрикасонть роботыть кавто-сидод робочейть ды роботницат, комсомолецтнэ жо тосо ансяк 34 члент. Од ломантнень эйстэ секретаресь ды весе комитетэсь ульнесь ве ено, марто кодаткак личной кортнемат арасельть, политзанятият эзть веть. Бути активной од ломантнень ютксо кияк максы заявле-

ния комсомолс примамодо, то комитетэсь теветь ванномо кармилъ пель иень ютазь. Примеркс, Г. Ф. Асташкинэнь заявлениязо максозь 1936-це иень ноябрюнь ковсто, комитетэсь ваннэзе 1937-це иень мартонь 14-це чистэ. Истя ашти теветь лиятнень мартояк.

Чаркодеви сеяк, мекс эзть робота ВКП(б)-нь историянтэ тонавтнемань ды политграмотань кружоктнэ ды мекс беряньстэ аштесь теветь ВКП(б)-нь пленумтнень исторической решениятнень тонавтнемань марто.

Истя асатыкстнэ комсомолонь организациянтэ теизь политически близорукоекс ды секскак кувать комитетэнь членкс ульнесь народонь враг Паршин ды истя жо нулгодьксэв эсь теветь ветьястэ Зайцев, Красильников.

Прениятнеде мейле ютавтозь кочкамот. Закрытой (тайной) голосования од комитетэнтнень кочказь Миндров, Павилов, Малышев, Барань ды Сапожников. Но эряви меремс, што од комитетэськак роботантень эщо эзть кунда. Секретарькак кочказь ансяк июлень 25-це чистэ.

Азякаев С.

## РОБОТАМО ЭЩО ЭЗТЬ КАРМА

Кенде велень „Юпитер“ колхозонь первичной комсомольской организациясонть весемезэ 11 комсомолецт. Икелень комсоргось Щеглов роботась беряньстэ ды ламоксть колсесь ВЛКСМ-нь уставонть. Данилкинэнь, Русскинэнь ды лиятнень кедрьстэ 3 ковт эзть сайкшнэ членской взност; Христофоровонь кедрьстэ сайкшнэ 2 ковт икелев.

Июлень 3-це чистэ организациасонть ютавтозь кочкамот, косо секретарекс кочказель Русскина Анна. Весе комсомолецтнэ ар-

сесть, што Русскина живойгавтсь организациясонть роботанть, но лиссь мекевлангт, Русскина течинь чис эщо эзинзе прима Щегловонь кедрьстэ теветненькак. Политзанятият организациясонть а ветьявить ды ветьямскак а кинень, арась пропагандистэсь.

ВЛКСМ-нь райкомонь икелень секретарент троцкистэнтэ Буяновдо мейле, секретарекс роботы Шишкин ялгась, кона течинь чис тенек мезеяк эщо эзть лезда ды минек вешеманок а топавты.

Д. И. Потешкин.

Дубевкань район.

## ГОЛОСОВАНИЯНЬ ТАИНАСЬ ДЫ КОДА СОН ТЕВЭ ЮТАВТОВИ ЗАКОНОНТЬ КОРЯС

(П Е З Э)

серьезнойстэ проверямонь пек важной форматнень эйстэ вейкекс. Сон лезды седе курок лангс таргамс Советтнень роботастост асатыкстнень, сон весе вийсэ вачкоди бюрократической элементтнень ланга ды карми лездамо Советтнень весе роботаст оживлениянтень ды трудиянь массатнень марто сынст живой связенть кемекстамонтень.

„Бути буржуазной мастортнень правящей класстнэсэ, — кортась Молотов ялгась, — ней пек келейгавтозь пренебрежительной отношении кочкамонь системантень ды кочкицянь келей массатнень праватненень, конатнень (кочкицянь келей массатнень. — Ред.) воляст полатнени капиталонь аволь пек ламо магнаттнень певтеме властэсэнтэ, то Советской Союзсонть закрытой кочкамотнень ютамось корты седе, што Советской властэсь эснэзэ вийтнень саягосударствань весе ветьямосонть массатнень активной участияст касомастонть, алсе таркатнестэ сазь верев пачкодемс государственной весе аппаратонть роботанзо мелыга массовой контроленть виензамостонть“.

Ней вансынек, кода тайной го-

лосованиянтэ марто теветь ашти капиталистической мастортнэсэ.

Капиталистической зярыя государстватнэсэ овси арась тайной голосования.

Югославиясо, примеркс, ютавтнени ансяк наяв (открытой) голосования. Венгриясо тайной голосованиясь ютавтнени ансяк частична. Венгерской городской избирательной покш округтнень пельде парламентэнтэ ансяк 40 члент кочкевить тайной голосования. Парламентэнтэ весе лия 204 члентнень кочкить наяв голосования.

Но капиталистической сетне мастортнэсэяк, косо формальна ули тайной голосования, алкуксонь теветь сон сеедьстэ тейневкшны открытойкс.

Истя, примеркс, фашистской Италиясо кочкицянтнень савкшны кочкамонь эсист бюллетентнень путнемс прозрачной конвертс, конатнень пачк парсте неяви, кинь кис сыннэ толосоить.

Фашистской Германиясо „рейхстагс кочкамотнень“ пингстэ 1936-иестэнтэ вайгельтнень максомась организовазель истямо ладсо:

„Кочкамонь“ комиссиясонть кочкицясь получил бланка, конатнэсэ печатазельть фашистской



В. И. ЛЕНИН ПРОИЗНОСИТ РЕЧЬ  
ПРИ ОТКРЫТИИ ПАМЯТНИКА  
К. МАРКСУ И Ф. ЭНГЕЛЬСУ  
7 НОЯБРЯ 1918 г.

В. И. ЛЕНИНЭНЬ ЦЕНТРАЛЬНОЙ МУЗЕЙ  
СНИМКАСОНТЬ: В. И. Ленин корты речь К. Марксэнь ды Ф. Энгельсэнь памятникентэ панжомсто (1918 иень ноябрюнь 7-це чистэ).  
Репродукциясь Союзфотонь:

## Невтить пример

М. Давыдовкань „Мировой пролетариат“ колхозось июлень 16-це чистэ лиссь розень нуеме. Нуемадонть икеле ульнесь промкс, косо тейсть соцпелкстамо бригадатнень ды звенатнень ютковаст. Обязательстватне ульнестэ истят:

а) вейкеяк илязо уле пропуск ды поздаямо нуеманть шкасто;

б) туремс урядомонь качестванть кис: а кадомс вейкеяк колос, нуемс ванькстэ ды лият.

Колмоце бригадань звенатне кармасть уш топавтомо неть обязательстватнень. Вана Кашликовань Д. А. звенась. Лововить тосо 7 ломанть. Тарвазсо нуезь норманть 0,15 гектаронть таркас, нуить 0,24 гектарт. Истя жо нуи Итайкина Е. Е.—звенаськак.

Г. А. Баранов.

## Безнаев—радио а вечки

Чамзинкань район. Хлыстовка велень колхозонть ули радиоприемникэзэ, кона аштекшни истяк. Кортазель колхозонь правлениянтэ заседаниясо, што радиось эряви теетемс нуема лангонтень.

Штобу кортамотне ютавтомс теветь, Бабин вештнэсь правлениянтэ пельде аламошка ярмаркт радионть витневтемс, но колхозонь председателесь Безнаев отвечась, што радиось а эряви ды секс истяжо кадовсь нейгак апак витне. Виде, Безнаевнень, паряк, алкукскак радиось а эряви, но сон пек эряви колхозниктнэненень.

Грошев А.

(„Комсомольская правда“).



## ЦЕХОВОЙ ОРГАНИЗАЦИЯТНЕСЭ ДЫ ГРУППАТНЕСЭ КОЧКАМОТНЕНЬ ШКАТНЕДЕ ДЫ ПОРЯДОКТОНТЬ

ВЛКСМ-нь ЦК-нь раз'яснениязо

Сень кувалт, што ламо органи-  
зацият кевкстнить цеховой ор-  
ганизациятнесэ ды комсомольской  
группатнесэ кочкамотнень шка-  
тнеде ды порядоктонть, ВЛКСМ-нь  
Центральной Комитетэс толкови:

а) Цеховой организациятнень от-  
четно-кочкамотнень промкстнень у-  
лест ютавтоз ВЛКСМ-нь первичной ор-  
ганизациятнесэ отчеттнень ды коч-  
камотнень прядомадо мейле.

б) Цеховой комсомольской ор-  
ганизациятнесэ отчетно-кочкамотнень  
промкстнень прядомадо мейле,

улест ютавтоз отчетно-кочкамотнень  
промкстнень комсомольской группат-  
несэ.

в) Цеховой, участковой, отде-  
ленческой, факультетной ды лия  
организациятне, ВЛКСМ-нь уста-  
вонть коряс, должны улемс кадозь  
предприятиянь, учреждениянь, ву-  
зонь, школань колхозонь ды лиянь  
комсомольской первичной сетне  
организациятнесэ, косо улить 100  
ды седе ламо комсомолецт.

ВЛКСМ-нь ЦК-нь секретарес  
А. КОСАРЕВ.

## Московской комсомолонь активень промкс

Июлень 22-це ды 23-це читнесэ  
НКВД-нь клубсонть ушодовсь  
Москов ошонь комсомолонь ор-  
ганизациянь активень промкс, ко-  
зонь тердесэ ВЛКСМ-нь Москов-  
ской областень райкомонь секре-  
тарне. ВКП(б)-нь ЦК-нь июньс-  
кой Пленумонть итогтнеде доклад  
тейсь ВКП(б)-нь МК-нь агитаци-  
янь ды пропагандань отделэнь  
заведующесэ Дедиков ялгась. Ла-  
мо сон кортась комсомольской ор-  
ганизациянь задачатнеде СССР-нь  
Верховной Советс сыя кочкамот-  
ненень анокстамосонть ды ютав-  
томасонть ды народонь врагт-  
нень каршо — японо-германской  
троцкистской ды бухаринской шпи-  
онтнень ды вредительтнень каршо  
борцямосонть.

Докладчикесь евтнесэ комсомол-  
со руководстванть эцезь ней  
лангс таргазь народонь врагтнень  
—Ильинскоень, С. Андреевнень,  
Кликовонь, Лук'яновонь, Файнбер-  
генъ, Бубекинень ды лиятнень  
вражской роботадост.

Активень промксонть евтасель,  
што ВЛКСМ-нь МК-нь ды МК-нь  
бюрось каньзе р о б о т а с т о  
ВЛКСМ-нь МК-нь икелень секре-  
таренть Шоркинень ды ВЛКСМ-нь  
МК-нь секретаренть Сидоринень,  
конат невтсть политической пек  
покс беспечность.

Докладонть прядомадо мейле  
ушодовсь преният. Кармазин, Ан-  
дриянов, Ильюшин, Соколов, Ни-

коновров ды лия кортыця ялгатне  
кеместэ критиковать комсомо-  
лонь Москов ошонь ды областной  
комитеттнень агитационно-пропа-  
гандистской роботанть лавшо-чин-  
зэ кис, критикань ды самокрити-  
кань аразь-чинть кис ды сень кис,  
што ВЛКСМ-нь МК-нь ды МК-нь  
руководящей зяряя роботниктне  
ульнесэ политически беспечнойть  
ды ношкалгавтызь бдительнос-  
тенть.

Весе кортыцятне вейкетть мель-  
сэ мерсть, што вражской сво-  
ранть эйстэ эсь рядтнень ваньксэл-  
гавтоз, московской комсомоль-  
ской организациясь карма улеме  
эшо седеяк кеместэ вейс пурна-  
возь ды партиянь Центральной  
Комитетанть ды народтнень вож-  
дентень Сталин ялганть предан-  
нойкс.

Активень роботасонзо примить  
участия ВЛКСМ-нь ЦК-нь секре-  
тарес Косарев ялгась ды ВКП(б)-нь  
МК-нь секретарес Волков ял-  
гась.

Активень промксонть покш вал  
евтасэ Косарев ялгась.

Примазь резолюциясонть промк-  
сось целанек шнынзе ВКП(б)-нь  
ЦК-нь Пленумонть решениятнень.

Промксось покш мельсэ примась  
приветствият ВКП(б)-нь ЦК-нтень  
—Сталин ялганть ды сталин-  
ской боевой наркомонтень Нико-  
лай Иванович Ежовнень.

ВАЖНОСТЬ И ГЛУБИНА СМЫСЛА



Дени художникенть од плакатось „Эскельдить эсист емамонть”.  
Плакатонть колдызе ИЗОГИЗ августонь 1-це чинтень—международной ам-  
тивоенной чинтень.

Фотось БАЗИЛЕВИЧЕНЬ (Союзфото).

## ИСПАНИЯСО ЦЕНТРАЛЬНОЙ ФРОНТСОНТЬ

Брунетень кис бороцямось  
(Мадридэнь эйстэ чи валгомасо)  
июлень 25 чистэ мольсь чинь-чоп.  
Бойтнесэ мятежниктнень ено уль-  
несэ 60 танкат, бомбардировщи-  
ктнень, истребительтнень 24 эскад-  
рильят ды артиллериянь покш  
вийть. Брунетень эйстэ, конань  
апак лотксэ бомбардировить меель-  
се недлянь перть, кадовсь аняк  
развалинат. Чокшнентень фашист-  
тне саизь Брунетень. Мятежникт-  
нень икелев молемаст лоткавтызь  
подкреплениятне, конатне састь  
республиканецтнень.

Брунетень районсо мятежникт-  
нень атакаст молит. Виев бойть  
молить истя жо Кихорна веленть  
маласо, конань лангс мятежниктне  
теить атака пелеве ендю ды обед  
ендо.

Июлень 25 чистэ воздушной  
бойтнесэ ульнесэ правтоз интер-  
венттнень 3 самолетт, конатнень  
ютксо кавто мотор марто „Дор-  
нье” германской бомбардировщи-  
кесь. Германской 3 летчиктнень,

конат валгсть те самолетстонть па-  
рашютсо, республиканецтне саизь  
плени. Летчиктне евтась, што пе-  
леве ено фронтсто мадридской  
фронтов кучозь 20 тыщат италян-  
ецт. Сынъ невтизь истя жо, што  
сынъ германской регулярной ар-  
миянь летчикт ды эсист командо-  
ваниянь приказост коряс ливтясь  
Испанияв Берлинэнь окрестнос-  
тнень эйстэ, косо ашти сынст час-  
тест. Сынъ ливтясь сэрейстэ  
Франциянь трокс.

Республиканской командова-  
ниясь лови июлень 24—25 читнень  
эйстэ противникенть общей емавкс-  
тнень 7 тыщат ломанть маштозь  
ды ранязь.

Итальянской самолеттне, конат  
састь Майорка островонть ланг-  
сто, бомбардировизь Барселонанть.  
Маштозь 65 ды ранязь 150 мирзой  
эрицят.

(ТАСС).

## Мезе моли Северной Китайсэ

Японской империалисттне ба-  
жить закабалить Китаенть ды ниле  
сядт миллион китайской наро-  
донть теямс эсист урекс. Японской  
военщинась, военной столкнове-  
ниянь провоцироваз, генералтнень  
рамсезь, Китайсэ междоусобной  
войнань кирвастезь, Китаень об-  
ластьтнень сезни вейкест-вейкест  
эйстэ. Кото иеде теде икеле  
Япониясь саизе Манчжуриянь,  
сонзэ теизе эсинзэ колониякс. Ней  
японской империалисттне бажить  
саемс Северной Китаенть.

Аволь умок сынъ тейсть-кепедсть  
военной столкновения японской  
ды китайской войскактнень ютксо  
Люкоуцзяо районсонть. Японской  
командованиясь бажи захватямс  
Люкоуцзяо — Фынтай — Бейпин  
стратегической райононть. Те рай-  
онось ашти чугункань ки лангонь  
пек важной узелокс, кува ютыть  
Северной Китаенть сех главной  
чугункань ки лангонь магистраль-  
тнень линиятне. Японской воен-  
щинась бажи, мезе бу аволь уле,  
саемс Бейпин ошонтькак, кона  
умоконь шкатнесэ ульнесэ Ки-  
таенть столицакс, китайской нау-  
канть ды культуранть центракс.

Бейпинэнь саезь, японецтне ар-  
сать тосто китайской власттнень  
евтамс соглашениянь условият.

Но ней японской империалист-  
тне маньявсть. Сынъ эзизь лово  
китайской эрицятнень келей мас-  
сатнень ютксо боевой настроян-  
тнень касоманть. Сынъ эзизь лово  
сеть покш полавтовкстнень, ко-  
нат теевсть китайской войска-  
ктнень ютксо, китайской народонть  
ютксо, конат весе вийсэ бажить  
ды анокт ванстомс эсист родной  
модаст захватчиктнень эйстэ.

Уш васень бойтнесэ китаецтне  
макссть виев отпор японской  
агрессортнень. Сень кис, штобу  
улевель шка воинской покш часть-  
тнень ды снаряжениятнень кучо-  
манть туртов, японецтне кавксть  
тейнесэ перемирия ды сеске жо  
сонзэ колылизь. Бейпин—Тяньцин  
райононтень кучозь комсешка ты-  
щат японской солдатт. Неть вой-  
скактнень ули военной сех паро  
техникаст.

Войскактне эцить Бейпин ошонть  
малав. Японской войскактнень кой-  
кона войскактне тейсть свартома  
совамс Бейпинзэ, но сынст панизь  
китайской частьтне.

Китаенть общественной меленть  
вешеманзо коряс нанкинской пра-  
вительствась яволявсь анок-чи-  
денть максомс сопротивления  
японской захватчиктнень. Кулин-  
сэ (Цзянсинь провинция) эрва  
кодат партиятнень представите-  
лть конференциясо кортась Чан  
Кай-ши. Сон яволявсь, што нан-  
кинской правительствась а прими  
японской кодамоак требования ды  
тейсь сень, штобу пурнамс на-  
циянь весе вийтнень омбо ма-  
сторонь агрессортнень сопротив-  
лениянь максомо ды Китаенть  
независимостензэ ванстомо.

Конференциясонть каргасть эр-  
ва кодат партиятнень ды органи-  
зациятнень представительть, сынъ  
тешкстась, што Люкоуцзяонть  
маласо событиятне аштить Север-  
ной Китаенть туртов эрямонь эли  
куломань вопросокс.

Северной Китаенть Бейпин—  
Тяньцинской районсонть положе-  
ниясь пек напряженной. Японской  
империалисттне анокстыть Север-  
ной Китаенть саеме, секс сынъ то-  
зонь пурныть военной покш вийть,  
тейнитть од провокацият, леднитть  
китаецтнень лангс.

Китайской газетатне сермадыть,  
што японской войскактне июлень  
25-це чиденть икеле вестэнь  
спровоцировали од столкновения  
Ланфан станциянь маласо, кона  
ашти Бейпинэнь ды Тяньцинэнь  
ютксо кинть лангсо. Ланфанонь  
китайской гарнизонось вешсь,  
штобу японской войскактне, конат  
састь Тяньцинэнь, авольть валго  
Ланфан сень кувалт, штобу аволь  
уле недоразумения китайской ды  
японской войскактнень ве таркасо  
аштеманть пингстэ. Но 200 ломань-  
стэ японской отрядось, кона сась  
поездсэ, сеске жо кармась ледне-  
ме китайской войскактнень лангс.

Шанхайстэ пачтить куля, што  
июлень 26 це чистэнь японской  
5 аэроплант бомбардировизь Лан-  
фан станциясонть китайской ка-  
зарманть, колмо часодо теде мей-  
ле японской войскактне, Тяньцинэ-  
нь подкреплениянь получамо  
мейле, таго тейсть атака Ланфа-  
нонь лангс. Бейпинэнь ды Тянь-  
цинэнь ютксо чугункань кинь со-  
общениятне ды телеграфной свя-  
зесь сезезь. Ланфан станциянь  
оккупировизь японецтне.

Редакционной коллегия